



Pou Piblikasyon Imedya: 10/10/2023

GOUVÈNÈ KATHY HOCHUL

**APRE REYINYON ENFÒMASYON NAN SANT RANSÈYMAN ETA NEW YORK LA,
GOUVÈNÈ HOCHUL BAY NOUYÒKÈ YO MIZAJOU SOU MEZI SEKIRITE YO KI
OGMANTE POU KOMINOTE JWIF LA**

***Gouvènè a mande konpayi rezo sosyal yo pou ranfòse moderasyon platfòm yo ak
elimine kontni sou rayisans yo***

***Gouvènè a te vizite Sant Ransèyman Eta New York la nan rejyon kapital la pou
yon reyinyon enfòmasyon nan men lapolis Eta a; Foto yo ap disponib [isit la](#)***

Gouvènè Kathy Hochul te mete ajou Nouyòkè yo sou mezi sekirite yo ki ogmante apre atak brital Hamas yo te sou pèp Izrayèl la, apre yon reyinyon enfòmasyon Lapolis Eta New York nan Sant Ransèyman Eta New York (New York State Intelligence Center, NYSIC) nan Rejyon Kapital la. Gouvènè Hochul te renouvele apèl yo tou bay konpayi rezo sosyal yo pou yo konsantre sou menas sa yo epi pou ogmante moderasyon platfòm yo pou anpeche pwopagasyon kontni sou rayisans yo.

"Pandan Nouyòkè yo ap lamante pwòch yo ke atak teworis degoutan Hamas yo te afekte, li enpòtan pou nou bay sekirite ki nesesè pou kominote jwif yo isit la nan New York", **Gouvènè Hochul te deklare**. "Touswit apre atak Hamas yo, mwen te deplwaye Lapolis Eta New York la pou ogmante mezi sekirite pou pwoteje sinagòg, yeshiva, sant kiltirèl ak lòt sit ki gen risk yo. Kounye a, li lè pou konpayi rezo sosyal yo fè menm bagay la: kontwole diskou a sou platfòm nou epi reprime ensitasyon a vyolans yo – anvan li twò ta".

Foto reyinyon enfòmasyon Gouvènè Hochul nan Sant Ransèyman Eta New York la ap disponib [isit la](#).

Imedyatman apre premye rapò atak yo nan Izrayèl nan samdi maten, Gouvènè Hochul te mande Lapolis Eta New York pou ogmante patwouy ak aktivite sansibilizasyon yo. Nan travay ak fòs de lòd, Lapolis Eta a ap siveye sib potansyèl ak kote ki vilherab yo atravè eta a, tankou sinagòg, yeshiva, ak mize ak sant kiltirèl jwif yo. Pou asire konfidansyalite ak efikasite mezi pwoteksyon sa yo, Lapolis Eta New York pa divilge plis enfòmasyon sou mezi sekirite oswa deplwaman pèsònèl yo.

Anba direksyon Gouvènè Hochul, Lapolis Eta ap travay tou ak fòs de lòd lokal yo ak lòt patnè sekirite yo pou swiv menas yo pibliye sou rezo sosyal yo epi pou asire sekirite tout Nouyòkè yo. Nan sèvi ak novo resous Gouvènè Hochul te garanti nan bidjè ane fiskal 2024 la, Sant Ransèyman Eta New York (NYSIC) la te siveye deprè kontni sou rezo sosyal yo ak lòt kanal sou entènèt yo. Pandan ke pa gen okenn menas kredib nan moman sa a, siveyans sou entènèt te montre yon ogmantasyon nan koze Neo-Nazi, sipremasis blan ak ekstremis nan sans Hamas yo.

Nouyòkè ki wè aktivite sispèk ta dwe rapòt li imedyatman atravè sitwèb "Pwoteje New York" (Safeguard New York) Divizyon Enteryè ak Sèvis Ijans Eta New York [isit la](#). Moun yo ka rele 1-866-SAFENYS (1-866-723-3697) tou pou soumèt yon konsèy oswa rapòt li [isit la](#).

Nenpòt moun ki te resevwa menas ki baze sou patipri oswa ki te fè eksperyans asèlman oswa diskriminasyon ta dwe kontakte [Gwoop Travay sou Krim Rayisans](#) nan rele 1-888-392-3644 soti 9 am jiska 5 pm lendi jiska vandredi oswa voye tèks "HATE" nan 81336. Nou ka depoze rapò yo sou entènèt tou [isit la](#). Si w vle rapòt yon krim oubyen ou gen laperèz pou sekirite w, rele 911 imedyatman.

Sitwayen Ameriken ki an Izrayèl yo epi ki bezwen èd pou ijans dwe imedyatman kontakte Depatman Deta Etazini [isit la](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418